



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

2. De Nouitorum probatione.

urn:nbn:de:hbz:466:1-14077

Religione professa, non bene conuenit ea, quae professa non est; & ideo ait eam debere profiteri, quia, eo ipso, quod vovit continentiam, cogitur Religionem profiteri, ne si in seculo maneat, sit periculo incontinentiae obiecta. Calderinus distinguunt, aut promisit, inquit, ingredi in Religionem, & debet Religionem profiteri. c. Agathofa. 27. q. 2. aut solum continentiam vovit, & tunc si est iuris conscientia, cōpellitur Religionem profiteri. c. qui vxorem. 33. q. 5. quod si fuerit iuris ignara, nō cogitur Religionem profiteri: idem ait Abbas. Præterea si roges, quid dicendum, quando vir inuita vxore Religionem est professus, & est restitus uxori; et mortua vxore ad Religionem redire iure cogatur. Respondeo, cū Abbatē, & alijs, in locis suis citatis præfertim in c. quidam, de conuers. coniug. iure non cogi, quia professio vim, & locū non habuit; aliam verò vxorem ducere nō potest, quia saltē, ut portuit, se voto castitatis obstrinxit, si matri monium contrahat, valet, quia Religiosus factus non est, licet in contrahendo peccet, cum fuerit simplici voto castitatis deuinctus: vnde Abbat in hac parte non placet, quod dixit Antonius Butrius, videlicet matrimonium nō valere, quia licet, inquit Antonius, vatum solemne nō fuit, at quia fuit vatum certa Religiosus approbat, eo ipso pro solemni habetur: verius est id, quod dixi ex sententia Abbatis: nā professio inuita vxore non valer, vnde solenne vatum nō fuit, quoniam nec expressa, nec tacita professio in Religionem approbata fuit. Postremo si roges, an propter adulterium occultum vxoris liceat viro eam dimitttere, & se ad Religionem conferre. Respondeo, cum Glossa in c. Agathofa. 27. q. 2. in verbo formicatus: minime, nisi diuortio facto per legitimam iudicis Ecclesiastici sententiam: alioqui enim ius haber vxor petédi, ut vir ipsi restituatur, & cogetur vir ad vxore redire, nisi statim testimonia legitima adulterij ab vxore patrati proferat. c. littera, de restitu. spoliatorum. Sed quid iuris si adulterium vxoris publicum fuerit? Respondeo etiam tunc expetandum esse iudicis sententiam, c. Porro, de diuortiis, & ibi Joan. Andreas, Hostien. & Abbas, quoniam dimittere vxorem ob adulterium illius est poena, ac proinde infligi iure non potest nisi legitima Iudicis sententia. Obijcies id, quod habetur in cap. significasti, de diuortiis, vbi legitur, si notoriū est mulierem adulteriu commississe, ad eam recipiendā vir cogi non debet. Respondeo, cum Archid. in c. Agathofa. 27. q. 2. in eo capite sermonē esse de vxore, quā temere fuerat a viro dimissa, & ipsa postea publicē adulterium admirerat, & petebat, ut ei vir restitueretur, siquidem fuerat temere reiecta. Quando igitur vxor dimissa à viro, & suo iure spoliata quamvis temere, petit, ut vir ei restituatur, nō auditur, nec ipsi vir restituatur, si postquam temere à viro dimissa, publicum adulteriu commisit. Quare nunquid vxor adultera post diuortium factum legitima sententia Iudicis potest se ad Religionem conferre in iure viro? Respondeo Glossa in c. Agathofa. 27. q. 2. posse, quia facto diuortio auctoritate Ecclesiæ vterque suo iure cessit, & probat argumento sumpto ex c. quam periculosem. 7. q. 1.

Septimus Quaritur, An qui sponsalia contrahit iure in Monasterium possit admitti. Innocen-

tius, Hostiensis, Joan. Andreas, & Abbas videntur assertere id fieri iure non posse, & hoc ideo, quia cōsent sponsalia, ante contracta per ingressum in Monasterium, non dirimi, præfertim si fuerint iure iurando firmata. Sotus affirmat id iure fieri, & sponsalia per votum Castitatis simplex, aut unius sponsi in Monasterium ingressum dissolui, ita ut eo ipso, alteri sponso liceat ad alias nuptias trahi: & affirmat sponsalia dirimi etiā iuri iurandi vinculo confirmata. Et quamus Cordubensis testetur, hanc Sotii sententiam esse minus veram, & tutam; eam tamen ante Sotum tenuere Ricardus, Astēsis, Angelus, & Maior: quam supra, & nos quoque fecuti sumus ex parte. De haec tota controuersia libro Superiori tractavi.

Nec obstat, quod obiicit Cordubensis: sponsalia inquietis, eadem ratione soluerentur per votum quodlibet melioris boni, quale est votum orationis, contemplationis, ieunij ad vitam duraturi: hæc enim vota, & similia, respondebit Sotus, non pugnare cum matrimonio, ut pugnat votum Castitatis. Quare AERES, cur sit in more positum, ut qui petunt in Religionem ingressum, interrogantur, num foeminae vlli promiserint se eam ducturos in vxorem? Respondeo, iure optimo de hoc interrogari, ut mature expendatur, quid magis expediat.

Ostauo Quaritur, An tuta conscientia filius, cuius parentes grauiter indigent, ad Monasticum institutum, & vitâ se conferat? Respondeo S. Thomas 2. 2. q. 189. art. 6. cuius sententia est communis consensu recepta, id tuta conscientia non fieri, quia iure naturali debent filii parentibus necessaria vita & alimenta praestare: Nec huic iuri quicquam ingressus in Monasterium derogare potest. Idem iuris est in patre, si filium habet graui egestate laborantem: debet enim prius filii indigenatia commode subvenire: nisi vterque talis sit, ut in Monasterium mereatur ingressum. RVRSYM Quare AERES, an idem iuris sit, si fratres, aut forores graui inopia premantur? Respondeo, non esse idem iuris in illis, quod est in parentibus, & filiis. Filij enim parentibus, & contra parentes filii iure gentium, & naturali, alimenta, & vita subdia debent, fratres verò fratribus non item. At verò de sororibus videndum est, an puellæ sint, & que, si a fratre dimitterentur, in impudicitia crimen incideret, aut in illius periculis incurrit, præfertim cum teneræ adhuc etacis sunt: tunc enim charitas suadet, ut earum pudicitia conflatur. Quare aut fiducia alicui, & honestæ personæ committit, & cōmendari debent, aut in Monasterium ingressus ad tempus differendus videntur.

Non ostauo Quaritur, An Episcopus, aut alius Clericus in minori dignitate constitutus, An item presbyter curæ animarum prefectus, An impubes itē filij iure in Monasteria admittantur? Has quæstiones singulas libro Superiori diluimus.

Caput II.

De Nouitorum probatione.

Primum Quaritur, quotuplex sit Religiosorum habitus, & quisnam sit Nouitorum proprius? Amorandum est, iure Canonico Religiosorum habi-

habitum dici vestimenti genus, quo vtuntur Religiosi, qui tripes esse solet, vt docet *Glossa* comuni consensu approbata c. 1.27. q.1. in verbo, apparet. Archid. Ioan. And. in c. confutacionem de regularib. in & nimirum. Habitus probationis, Conuersonis, & Professionis. Explicemus horum singulos. Habitus probationis datur Nouitiis, de quo in cap. ex transmissa, de renuncia, & cap. Statuum, de regulari. Habitum conuersonis vtuntur iij, qui dicuntur Conuersi, de quo in cap. consilium, qui Cleri, vel videntes, & in cap. super eos, de regulari. Habitus Professionis est Professorum proprius, qui secundum iura antiqua dicebatur. Habitus Religionis: nam olim in Monasteria solebat admitti Nouitij ad probationem, & toto probationis tempore pristino vulgari habitu vtebantur: ideo iure antiquo Canonicus suscepit habitus Monastici, intelligebatur professio Religionis, quia habitus Religionis non concedebatur nisi Professis. At verò tēporis processu, more, & in instituto Religiosorum introduci coepit, vt Nouitij probationis tempore pristinā, ac vulgarem vestem deponerent, indui habitum Religionis in regula constitutum, ac ita coepit habitus Religionis distinguui in habitum Probationis, & Professionis: qui aliquando est omnino diuersus atque dissimilis, aliquando verò distinctus non est. Ex quo etiam factum est, vt locū habeat quod in ipso iure Canonico dicitur: Monachum non facit habitus, sed professio, & porrectum, c. ex parte, de Regularib. c. consilium. Qui clericis, vel videntes: nam iuxta priorem illum veterem morem quem dixi, Monachum faciebat habitus suscepit, quia nondabatur nisi Professis. & hoc modo iura quedam conciliantur, c. enim Legem Dift. 53. dicitur: Si qui ex militariis viris annumerari in Monasterijs secesserint, non sicut temere suscipiendi, nisi eorum vita subtiliter inquisita fuerit, & iuxta normā regularem in suo habitu per triennium probati. Tunc Monasticum habitum Deo auctore suscipiant. Et in c. Multos, Dift. 55. dicitur: si quis ex viris Ecclesiasticis, vel secularis militis seruitus ad Dei seruitum concerti desiderat, probabitur prius in ecclesiasticali habitu constiuitus. Si autem in monachali habitu secundum Patronum regulas inculpate vixerit, post praefixa à sacra Canonibus iuris, ad quodlibet Ecclesiasticum officium prouehatur. Rursus. 17. q.2. c.3. Si quis incognitus Monasterium ingredi voluerit, ante triennium Monachi habitus non profatur. Vnde in c. Super eos, De Regularib. habetur: Super eos, quod quesumus fuit de Clericis, qui Religionis habitus suscepserant, & ante professionem ad priorem statum sunt reveri, Respondemus: Quod si austeriori etiam Religionis, ad quam migrare noscentur, seruare voluerint, ad mitorem Religionem cogantur transire, ne contra votum, quod Domino fecerunt, venire probentur. Verum si ante suscepimus huiusmodi habitum in Probatione posui recedere voluerint, secundum Regulam B. Benedicti, non videntur prohibendi ad priorem statum redire, vt in eadem ueste, in qua venient, reverterintur. Hæc ibi.

Secundò queritur, An habitus Nouitorum ab habitu Professorum debeat esse distinctus? Respondeo, cum Abb. in c. Ex parte, de Regulari. & Glossa in Clem. eos. De Regulari, aliquando distinguui, & hoc dupliceiter: Aut enim differentia, & dissimilitudo manifeste patet, aut latet occulte: pater quando in uno ex tribus est dissimilitudo, nimirum, vel in Colore, vel Scissura, vel Forma, seu figura. Clem. Eos qui, De Regularib. Colore, vt si Professorum

habitum sit albus, Nouitorum niger: Scissura, v^t in familia Franciscana nomine Minorum dicta, cuius Nouitij tunicae deferunt sine capucio, vt loquitur Regula S. Francisci. Professi vero cū capucio: Forma, vel figura, vt si Nouitij gestent breuiorem habitum, Professi longiore, Aut si Nouitorum habitus in parte aliqua habeat Crucis signum, funiculum, aut pannū alligatum, aut appendi. Aliquando vero differentia habitus latet, aut quia Professorum habitus consecrari solet certis quibusdam precationum verbis, aut formulis, Tyronum non item. Aut quia habitus professis datur in Capitulo, vt dicitur, Religiosorū, vel ante Altare maximum in templo, Nouitij verò in alio loco: Aut quia Professis habitum dat Abbas, Nouitij, alius, nimirum Prior, aut Vicarius, aut Praefectus seu Magister Nouitorum. Aliquando vero habitus Nouitorum minimè ab habitu Professorum distinguitur: & hoc duobus modis contingit, nimirum, Aut quia eodem habitu vtratur Monachi, Conuersi, Oblati, & ceteri, tū Clerici, tum Laici una cum ipsis Monachis communem vitam agentes, quales esse solent Clerici, qui vocantur Monachorum Capellani, & Laici ministri, seu famuli Monachis inservientes: Aut quia saltē tyrones, & veterani, hoc est, Nouitij, & Professi, eundem habitum gestant.

Tertiò queritur, An solus habitus Religionis suscepimus Monachum efficiat, quod est querere, An per solūm habitum Religionis suscepimus, quis Professus, & Veteranus cœlestatur? Respondeo, Canonos, & iura in hoc sibi in speciem aduersari. Nam cap. Porrectum, & c. Ex parte, De Regulari, & c. Consilium, qui Clerici, vel videntes aperte dicitur: Habitus non facit Monachum sed Regularis professio. Contrarium tamen ex c. 3. idem, Super eos, De Regularib. & c. Quid in terrogaft. Dift. 57. q.1. & c. Quid progenitores 20. q.1. manifeste colligitur, nempe sola habitus suscepitione Monachum fieri.

Glossa hosce Canones, & Iura cōciliat in hūc modū: quod scilicet solus habitus suscepimus sine professione Monastica expressa, vel tacita Monachum non faciat: at verò si ad mutationem, & susceptionem vestitus tacita iuris professio accedit, Monachū facit iure antiquo. Ut si quis sponte induitus ueste professorum suscepit legitimè, hoc est, data ab eo cuius auctoritate potest quis in Congregationem admitti, faciat opus Professis tantum consuetudine, vel iure conueniens. c. Vida, De Regularib. Aut si quis sponte gestans habitū Professorum proprium ritè, & legitimè suscepit, hoc est, datum auctoritate eius, qui ius habet admittendi, in eo triduum perseueret, c. Ad nostram, De Regularib. Aut si quis per annum integrum spōtē defecrat habitum Nouitijs, & Professus communem, datum ab eo, qui potest in Monachorum, seu Religiosorum numerum recipere, c. a. ex parte, De Regularib.

Quartò queritur, quis possit ad Probationem tanquam Nouitius admitti? Respondeo, quilibet rationis capacem, dummodo pubertatis annos excelferit, & expleto Monasticae vitæ tyrocinio, sit aptus ad professionē emittendam: ante id enim temporis Nouitium esse nequit, quia experiri non potest, supererant nec ne sibi vires ad Monastici instiuti onera perforenda. In masculis post decimum

quartum annum exactū, & in foemini post duodecimum, iure communi Canonico incipit ætas, in qua quis ad probationem admittitur, cap. Si in quilibet, &c. *Puell. 4, 20. q. 2. &c.* *Ad nostram. c. Cum vi-*
runt. Postulati. Significatum, De Regularib. c. 1. &c. Nō
salut. de Regularib. in 6. in quibus ætas ante eos an-
nors dicitur esse impuberum, aut pueritia, aut mi-
nor, aut non adulta.

Quinto queritur, An furiosus ad probationē iure admittitur? Respondeo ex communi omnī sententia, minimè, quia rationis compos non est, & proinde experiri, & explorare non potest Monasticam disciplinā. Eadem ratione furiosus nequit matrimonium contrahere, testamentum condere, nec aliquid donare, etiā pietatis causa. Sed dubia quæstionis est, an si metis compos effectus ratam expressè, vel tacite professionem habeat, ratihabitio valeat, vt si non contradicat. Hostie in cap. sicut tenor, de Regularib. censuit, valere. Abbas verò in eo capite eius sententiam refutavit, & merito. Tum quia in c. 1. *De Regularib.* in sexta aper- tè habetur, si puer ante exactos annos pubertatis, annum in probatione steterit, & postea ratum habeat, Monachum non fieri: & idem iuris videatur esse in furioso: Tum quia in c. 1. *De Regularib.* dicitur, nihil valere habitum à furioso suceptum, nisi post quam suæ mentis factus est cō pos, spontanea voluntate professionē fecerit Monachalem, ita etiam docet Silvester Religio, 5. q. 2. Abbatem sequutus: sic quoq; Angelus, & Rosel la, vt citat ibi Silvester.

Sexto queritur, quanto tempore Nouitius probari debet? Respondeo, iure cōmuni, esse vnum integrum annum probationis destinatum, ut habeatur in cap. *Ad apostolicam De Regularib.* & in c. *Gonfaldus 17. quæst. 2.* vbi dicitur: Regula sancti Benedicti, & Gregorij canonica instituta, prescribit, ne Monachus ante vnuis anni probationem admittatur. Annotandum est, in Regula B. Benedicti, c. 58. cōtineri: Nouiter veniens quis ad conuersationem, nō ei facilis tributar ingressus; sed sicut ait Apostolus, probate spiritus, si ex Deo sunt. Ergo si veniens perseueraret pulsans, & illatas sibi iniurias, & difficultatē, ingressus post quatuor, aut quinq; dies visus fuerit patienter ferre, & in petitione sua perfidere, concedatur ei ingressus, & sit in cella hospitium paucis diebus: potea sit in cella Nouitorum, vbi meditetur, manducer, & dormiat. Prædicantur ei omnia dura, & aspera. Et si promiserit perseverantiam, post duorum mensium circulum, legatur ei Regula per ordinem. Si adhuc steterit, reducatur ad supradictam Nouitorū cellam, & iterū probetur in omni patientia, & post sex mēses relegatur ei Regula. Et si habita fecū deliberatione promiserit ei omnia seruatur, tūc ad Congregationem admittatur. Hac fēt B. Benedictus, S. Franciscus in Regula cap. 2. præscribit etiam vnu integrum probationis annum. Vnde cum Monachorum ordines per Occidentē S. Benedicti Regulam professi fuerint, factum est, vt vnu, & mores communi vnu sit probationis annus, quo Nouitorum vita, & mores explorentur, ianquam in Religiosorum fodalitatem recipientur. At verò Regula Pachomij, quam ab Angelo accepisse, ex Palladio, & alijs referit Nicepho, lib. 9. bistor. Eccl. cap. 14. præscribebat triennium probationis.

Vi tribus, inquit, prius annis, mutato paululum habita, duiores perforant labores: atque ita tandem riūbus, & Regulis instauri, aliorum Congregationi inferantur. Gregorius item Epist. 23. lib. 8. vt habetur 19. quæst. 3. cap. Monasteriis, precipit in hunc modum: Monasterijs omnibus sa- ternitas vestra distrahis interdicat, vt eos, quos ad conser- rationem suscepimus, prius quā biennium in conservione cōple- uerint, nullo modo audient consūrare; sed hoc spatio vita, mo- resq; eorum sollicitè comprobēto, ne quis, an non sit cōtem- tus eo, quod voluit, aut ratum non habeat, quod elegerit. Et idem Gregorius, in referatu in c. Legem d. 53. decer- nit: Si qui ex militariis viris annumerari in Monasteriis festinat, non sunt temerē suscipiendi, nisi vita eorum sub-tiliter inquisita fuerit, & per triennium probata. Ex quibus clarè perspicitur, olim tempus probationis fuisse vnum annū iuxta Benedicti Regulā; trienniū iuxta Regulā Pachomij acceptā ab Angelo: bienniū, & aliquando trienniū iuxta Gregorij Canonica instituta. Vnde Glossa in c. Monasteriis 10. q. 3. & in c. legem d. 53. & in c. Gonfaldus 17. q. 2. deduxit Probationis tempus esse arbitriarum: quamvis more communi receptum esse vnum annum, le- gamus. Nostra verò Societas biennium integrū Nouitorum probationi affigauit.

Septimō queritur, vnde incipiatur annus, & tempus probationis? Respondeo secundum communē ius incipere a tempore habitus Monasticī suscepiti post annos pubertatis expletos, cap. *Ad no- stram, & cap. Significatum, De Regularib.* præterquam in Insulis, in quibus annus probationis compu- tari debet ab anno decimo octavo. Sic enim habe- tur in cap. quia in Insulis, *De Regularib.* Quia in In- sulis, inquit, dura est Congregatio Monachorum, pueri in eorum Monasterijs ante decimum etiam annū suscep- prohibemus. Quod decretum testatur Abbas locum non habere in Insulis maioribus, eiusmodi sunt Anglia, Sicilia, Cyprus, Creta, Sardinia, Corfia, sed in minoribus duntaxat, quādo Insula est par- vus locus mari cinctus. Ioannes Andreas, ait hu- iusmodi decretum in nulla Insula seruari; ita vt sit Consuetudine abrogatum. Petrus Anchara- nus docet standum esse rationi iuri, non autem ipsi iuri. Et quoniam expressa ratio huius legis Pontificia dicit: *Quia in Insulis dura est congregatio Mo- nachorum;* ideo, inquit, vbi talis fuerit, siue in Insulis, siue extra eas, annus probationis inchoari debet ab anno decimo octavo; vbi talis non fuerit, siue in Insulis, siue extra, incipit post exactū quar- tumdecimum etatis annum. Quidam tamen ex- stimant prædictum decretum non intelligi de tempore probationis, sed professionis, ita vt sensus sit, in Insulis, vbi est seuerior, & durior vita Monastica, nemo ad professionē admittatur ante annum decimum octauum completum, licet possit ante ad probationem recipi.

Otio quād queritur, An annus, aut tempus pro- bationis debet esse cōtinuum? Duę sunt opinio- nes, prima a liquorū aientium, sufficere inter- missum, & interruptum tempus: vt si Nouitius ad sex mēses in probatione steterit, & deinde ad tempus egredietur, & postea rediens, intermissum tempus repeatat ad alios sex mēses, ita sentire vi- detur Glossa in c. eius, qui de regul. iuris, in 6. nam vi- detur iuri satisfacisse, si quidem per annum quā- uis non cohærentem, & continuatum in preba- tione perficerit. Secunda opinio censet, ad pro- bationem,

bationem, annum continuum requiri: quam tueretur Ioannes Lignanus teste Siluestro religio, s. q. 4. & quam veriore putat Abbas in cap. Ad Apostolicam, de regularib. Et secundum ius commune, haec est verillima, quoniam iura, quæ certū tempus postulant, intelligi debent de tēpore continuo, & Bartholus in l. interdum, s. quoties, s. de publi. aperte docet seruum dici veterum, qui anno continuo seruuit, Nouitium verò, qui ad annum non continuum seruuit, & Ioan. A. c. i. de elef. in 6. ait, cum iura postulant annum, vel certum aliud tēpus, intelligunt continuum. Deinde, integer annus Probationis præscribitur, vt Nouitius integrè dura, & aspera & eligiosi instituti onera experiatur. Sed inter alia vñū est, ut sine intermissione ea ad annum sustineat: sicut difficilis est, quadraginta dierum continua ieiunia perferre, quam totidem interrupta. Quo sit, vt si Nouitius ad annum gerter habitum, & omnia Probationis onera perferat, sed extra Monasterium absq; Superioris consensu, nihil ad Probationē proft, & valeat. Secus est, si Superioris iussu, vel nutu extra Monasterium commoraretur. Quare in Concilio Trident. sess. 25. c. 15. de Regularib. decretum est, ne professio emittatur ante decimum sextum annum expletum, nec qui minore tēpore, quam per annum post suscepsum habitum in Probationē steterit, ad professionem admittatur.

Nond Quæritur, An Nouitius debeat Religionis habitum, & vestem deferre, vt ad professionē iure admitti queat, quod est querere. An habitus Probationis sit necessarius, vt Nouitius professionis sit capax. Abbas in c. super eo. de Regularib. sentit, ex vi Regulæ, vel instituti Religionis, vel Iuris non requiri, sed sufficere, si Nouitius proberetur, pristinum, & vulgarem vitæ prioris vestimentum deferens: consuetudine tamen esse receptū, vt probetur suscepto probationis habitu. Idem cū Abbatे sensere Antonius Butrius, & Glossa in eo capite. At verò Regula S. Francisci proprium Nouitorum amictum in Probationē præscribit. Habitus igitur Religionis, ad probationē omnino requiritur: nam in vestitu Religionis deferendo est quædam vita austeritas, difficultas, ac labor, qui inter Probationis experimenta numeratur: opus est etiam, vt Nouitius gerter sua Religionis vestē, non alterius. Haec omnia Silu. Religio, s. quest. 5. ex Glossa, Abbatē, Antonio, & alijs. Deinde opus est, vt deferat in Monasterio, non extra, hoc est, sub Abbatis imperio, & potestate constitutus: nam etiam extra Monasterium cōmoretur, dummodo tamen Abbatis iussu, vel consensu degat, censetur in Monasterio viuere. Hæc enim omnia ad Probationis experimenta pertinent.

Decimò queritur, An Nouitius delinquens iure puniatur per Præfectos Religionis? Et quæstio solum intelligitur, si Nouitius criminē admittat, cui capitalem poenam iura, videlicet Canonem, vel leges irrogarunt, vt si fuerit homicida, proditor patriæ, latro, adulter: nam certò cōuenit inter omnes, si tantum cōtra Religiosam, vel Ecclesiasticam disciplinam peccauerit, à Religionis Præfecto puniendum. Ioannes Andreas in cap. Beneficium de Regularib. in 6. quæfuit apud quem Iudicem Nouitius conueniri debeat, Ecclesiasticum, an Ciuiilem. Nam quod coram Iudice Ciuiili conueniri debeat, videtur inde concludi, quod nondum sit Religiosus effectus. Quod vero a Iudice Ecclesiastico puniendus sit, ex eo deducitur, quod causa, & gratia Religionis in cū Civilis Iudex inquire, & animaduertere non debeat Archidiaconus, & idem Ioannes An-

tantur. Hæc illi, & non malè. Quibusdam tamen non omni ex parte eorum sententia probatur: putant enim, Nouitios quidē ratione voti, aut precepti, quod Regula, & institutum Ordinis constituit, Religionis Statutis non teneri, quæ Professos tantummodo tenent: at verò Superioris precepto ligari, & cogi posse, non quidem absolute, & simpliciter, quoniam libèrè queunt à Religione discedere: Sed si in probatione perfistere velint, debent Superioris imperio parere: tum quia eorum probatio id postulat: tum etiam, quia dū in probatione versantur, se Superiori subiiciunt, & obligant, alioqui recedant, cum aliter probari commodè, & gubernari nequeant: nam eadem ratione Superioris iussu, & auctoritate puniri possunt. Sed dicendum existimo, absolute, & simpliciter Nouitium statutis Religionis non alligari, vt Angelus, Silvester, & alij tradiderunt. At monendi sunt, vt ea seruent, vt suas vires explorent, vt probent, vt affluecant: alioqui eorum probatio fatis idonea non erit, & veteranos offendit tyrones. Hinc pendet quoque alterius quæstionis solutio, an si Religionis more, vel statuto aliquo, certi generis delicta Superiori referuntur, à quibus nullus alius possit poenitentem absoluere, Nouitij eiusmodi consuetudine, vel statuto teneantur. Respondent quidam Superiorē posse præcipere, ne absque eius nutu, & quisquā Nouitios absoluat, ab eiusmodi delictis, quæ dū in probatione versantur admiserint: qui præcepto Nouitij ligantur, non simpliciter, nam si recesserint ab incepto Religionis instituto, absoluui citra Superioris afferentum possent: sed ex hypothesi, si in probatione perseverare voluerint, sic enim Superioris sum potestati, & iurisdictioni subiecti: quibus Superior præcepta dare potest, vt eorum vitam, & mores commodius exploret. Mihī tamen videtur dicendum, Nouitium, hoc statuto non teneri, quia, vt dixi, Religionis statuta in vniuersum Nouitios nō ligant, quoniam in Religionis ordinem nondū admissi sunt. Si obijcas, Nouitius multi Religionis priuilegijs potitur, & gaudet, ergo etiam subiicitur poenis: nam qui habet honorem, sentire etiam, & sustinere debet onus. Respondeo, quæ ad fauore, & gratiā spectant, plenissimè interpretari oportere: quæ verò ad odium & poenam, contrahere, & restringere.

Vndeclimò queritur, An Nouitius delinquens iure puniatur per Præfectos Religionis? Et quæstio solum intelligitur, si Nouitius criminē admittat, cui capitalem poenam iura, videlicet Canonem, vel leges irrogarunt, vt si fuerit homicida, proditor patriæ, latro, adulter: nam certò cōuenit inter omnes, si tantum cōtra Religiosam, vel Ecclesiasticam disciplinam peccauerit, à Religionis Præfecto puniendum. Ioannes Andreas in cap. Beneficium de Regularib. in 6. quæfuit apud quem Iudicem Nouitius conueniri debeat, Ecclesiasticum, an Ciuiilem. Nam quod coram Iudice Ciuiili conueniri debeat, videtur inde concludi, quod nondum sit Religiosus effectus. Quod vero a Iudice Ecclesiastico puniendus sit, ex eo deducitur, quod causa, & gratia Religionis in cū Civilis Iudex inquire, & animaduertere non debeat Archidiaconus, & idem Ioannes An-

dreas, Geminianus, Francus, & alij in c. *Beneficium, citato*, communi consenu tradunt eum conueniri i debere apud Iudicem Ecclesiasticum, eo quod fauore, & causa Religionis à civilis Magistratus po testate est exemptus, sed prædicti doctores, eo capite, solū videntur loqui de causis Ecclesiasticis, non ciuilibus. Ceterum cum nostris temporibus omnes Religiosorum ordines Romani Pontificis beneficio, ab Episcoporum, quibus iure communni subiecti olim erant, potestate eximantur, efficitur, vt Nouitius delinquens à Monasterij Præfecto puniri debeat: quoniam sicut fauore Religionis à civili Magistratu adducitur Nouitiis, sic etiam ab Episcoporum potestate, dum in probatio ne versantur. *Nauar. Commen. 2. num. 63.* disputat an Religionis Præfectoris iure cōmuni cognoscatur, & iudicetur delicta Nouitiis ciuilia, & criminalia: & concludit iure cōmuni tātum cognoscere delicta, quæ Nouitius committit cōtra regulam, & cetera religionis statuta, & confi. §8. de regularibus. idem docet, & tandem ait probable esse, posse Præfectorum religionis cognoscere, & iudicare de delicta Nouitiis ciuilia, & criminalia, cuiusmodi est homicidium, perinde, ac si esset clericus, & professus. Et hoc est verius.

Duodecimò Quæritur, An Nouitius in aliquā Monastici ordinis Præfectorum iure eligi, & promoueri queat? *Respondeo,* minime, vt constat ex c. *Nullius de elect. in c. vbi dicitur: Nullus Religiosus ad Abbatiam seu Praelaturam sue, vel clericus Religionis de cetero eligatur, nisi antea fuerit ordinem Regularem exp̄esse professus.* Quod si secus actum fuerit, eo ipso irritum habecatur. Ad dignitatem vero Episcopalem, ad quam Nouitiis eliguntur interdum, talem in secularibus, & in Regulib⁹ Ecclesijs, Nouitiis eligi minime prohibetur. Hac ibi Pontifex. Vnde perspicitur, professionem tacitā in hoc exp̄esse non æquiparari: quoniam dicit, nisi antea fuerit exp̄esse professus.

Decimotertio Quæritur, An Nouitius Ecclesiasticis ordinibus iure initietur? *Respondeo* iure esse caustum, ne Nouitius ad ordines ascenda, etiam ad primam tonsuram. Nam 19. q. 3. c. *Monast. præcipit Gregorius*, vt eos, quos ad conuertē dum Monasteria suscepient, priuifquam bienniū in conversione compleverint, nullo modo audeant tonsurare. Hac ibi.

Decimoquarto Quæritur, An Nouitius habeat ius, testamentum condendi? *Respondeo* *Nauar. in c. non dicatis. 12. q. 1. nu. 30. Archidiaconum, Innocētium, & Hostiensem fecutus, iu habere testamentum faciendi, & proinde donandi, & negotia cōtrahendi: quia cum nondum sit Religionem professus, suorum bonorum dominium habet; est enim adhuc sive potestatis, & iuris, & hæc sententia est communī consenſū recepta, vt constat ex Couar. de testam. cap. 2. nu. 4. ex 5. ex colligunt ex cap. si qua mulier. 19. q. 3. Obijcies id, quod habetur in cap. quia ingredientib⁹ 19. q. 3. & in Authe. ingressi. C. de Sacrosan. Eccles. vbi legimus, ingressis in Monasteriū nullam amplius esse facultatem testamentum condendi. Respondeo, ea iura loqui de ingressu in religionem, per quem Religiosus solemani ritu religionis institutum, & regulam proficitur, & sit verē, & propriè religiosus, non de ingressu in religionem, per quem Nouitius ad probationem admittitur. *S. R. O. G. B. S.* an in Concil. Trident.*

Sei. 25. in decreto de Regularib. c. 16. adempsa sit Nouitii facultas testandi, quia est ibi statutum, vt nulla renunciatio, aut obligatio antea facta etiam cum iuramento, vel in fauorem cuiuscunque cause pīz valeat, nisi cum licentia Episcopi, sive eius Vicarij fiat, & reliqua. Respondē cum Nauarr. Com. 2. de Regularib. nu. 50. euīsmodi decretum nihil noui constituisse de testamentis Nouitorū, sed de renuntiationibus, vel alijs obligationibus: quoniam testamentum donec morte testatoris confirmetur, reuocari potest: sicut est in alijs obligationibus.

Decimoquinto quæritur, an Nouitius testamentum facere queat ab que solemnibus ceremoniis, & conditionibus, quas in ijs, qui testamentum condunt, ius ciuile requirit? *Dux* sunt opinione. *Prima affirmat*, quam tuerit Bartholus teste Nauarr. in cap. non dicatis citato num. 84. eo argumento permotus, quod militi cælestis militia videtur idem iuris beneficium cōcessum, quod militi armata militia, videtur idem iuris beneficium cōcessum, quod militi armata militia iuxta Glōsam in l. Miles, ff. de sentent. & re iudica. Sed Religiosus est miles cælestis militia, ergo testari potest veluti miles armata militia, sine villa iuris. *Civilis solemni formula*, ita ut facere queat testamentum ab que legitimo testium numero, & ante vigesimum quintum aetatis annum, & post filium præterire, & exhæredare, & decedere ex parte testatus, & ex parte intestatus. Miles enim sine his liberam habet testandi facultatem, vt constat ex legibus ff. de Militari testamēno. Sic etiā Abbas teste Nauarro.

Secunda opinio negat, quam habet Salicetus, & defendit Decius, ac magis probat Nauarrus, qui loco supra citato eos citat, ac sequitur, eo quod facultas libere testandi non excludit solemnies iuris conditions, & ceremonias l. 1. c. de Sacrosan. Eccles. & l. Si quando, c. de in officiis testam. & quia Monachus non per omnia æquiparatur militi armata militia, & quoniam Nouitius nondum est Religiosus, ergo nondum est miles militia cælestis. Mihi magis probatur opinio Bartholi, cum quia Religioni fauerit: tum quia qui confessum est miles cingendus, habetur pro milite, l. Filii familiæ, ff. de Militari testamēno. Vnde ad eius testamentum sufficiet si in eo seruentur Canonici, non Civilis iuris conditions.

Decimosexto Quæritur, An testamentum factum à Nouitio, & non relicta legitima portio ne, & iure institutionis Monasterio, quod habet ius succedendi in bōmis Religiosorum, rumpatur per professionem sequentem, sicut rumpitur testamentum, si posthumus, qui natus est, præteritus fuit, & non institutus, vel exhæredatus. l. Posthumorum, ff. de intus, rupt. irrū. testam. Hanc quæstionem tractat. Couarru. de testam., cap. 2. num. 4. Sunt tres opinione, prima docet in viuierum rumpi etiam testamentum factum ab eo, qui nondum est, vt Nouitius, in Religionem ingressus, sed post conditum testamentum est ingressus. Cynus, Raphael, Fulgosus, & Federicus, quos citat Couarruius: ratio est eorum, quia Monasterium succedit loco filii, ergo vel institui, vel exhæredari debet, alioqui si sit præteritus, ius habet rumpendi testamentū, vt posthumus præteritus.

Secunda

Secunda opinio tradit testamentum iure rumpi, si factum sit, vel à Nouitio, vel ab eo, qui ante quā faceret testamentum, cogitauerat seu decreuerat ingredi in Religionem. Barthol. Decius, Paulus, Baldus, Abbas, & alij quos refert Couarruias loco citato. Tertia opinio negat generatim testamentum etiam à Nouitio factum rumpi iure posse, ita Couarruias loco citato, & Nauarr. in cap. non dicatis. 12. q. lxx. St. & 83. & Iulius Clarus lib. 4. recep. sentent. q. testamentum. q. 28. hęc opinio est verior, quia Monasterium non habetur loco filij, nisi in casibus iure expressis, at hic casus in iure non exprimitur. Si Quaeras, an Nouitius testari queat sine Superioris consensu. Respondeo, cum Couarruias loco citato iure communi posse: quia est sui iuris, & potestatis.

Caput III.

Alię questiones de Nouitij diluuntur.

Primo queritur, An Beneficium Ecclesiasticum Nouitij vacet? Respondeo, Non vacare, ex ea, Beneficium, De Regularib. in sexto, vbi dicitur: *Beneficiū unū illū, qui Religionem ingreditur, non est intra Probationis annum alicui conferendum, nisi ad id, ipsius accedit assensus.* Quares, an è contrario possit Nouitio Beneficium conferri? Respondeo, *Glossa in eo capite*, minime, id colligit, quia statu dubius non potest militare nomen dare, *l. q. 1. ff. de remilitaria*, & *l. q. de libertate ff. De liberali causa*. Et hoc, inquit, intelligitur de Beneficio sacerulari, quoniam regulare ei potest conferri. At verò Geminianus, & Francus ibidem in vitroque Glossę aduersantur: aucti enim Nouitio posse Beneficium sacerulare conferri, regulare verò non item. Primum ex eo concludit, quod Nouitius adhuc sui iuris est, & propriū habere potest, ergo est capax Beneficij, quod sibi collatum, ratum, & acceptum habere poterit suum assensum praestando. At verò Regularis Beneficij capax non est, cum id sit iure prohibitum, quod solis Professis conferendum decernit. *Clement.* *Quia Regulares, De supplen. neglig. Prælat. & Clem.* *Ne in agro, & sanè Prioratus, De statu Monacho.* Quaeres deinde, Cum Nouitius Monasterium, utpote Canonizatum, in Probatione retineat, an ius habeat eligendi? Respondeo, habere, quia inter fructus Beneficij computatur ius eligendi. Rogabis, an vocari debeat ad eligendum? *Archidiaconus* capite citato, respondeo esse vocandum, si sit loco vicinus, nisi fuerit Religionis gratia legitimè impeditus. Potest tamen, inquit, procuratorem ad eligendum constituere. At Paulus, & Ioan. Andr. in eodem capite vrrumque negant, quia causa Religionis ritè, & legitimè absit. Secus verò esset de Patrono, & de eo, ad quem non iure Collegi, sed ratione personæ ius eligendi pertinet, is enim vocari deberet. Gemin. & Francus ibid. docent, siue vocatus, siue non vocatus ad eligendum accesserit, ius habere eligendi. Ex quo etiam efficitur, ut si sit patronus, ius habeat nominandi, designandi, & offerendi Clericum promouendum ad Beneficium, & in eo constituendum.

Secundò queritur, An Nouitius etiam prima Clericorum careat tonsura, gaudeat priuilegio Canonis: *si quis suadente, 17. q. 4.* Respondeo, ex c. Re-

ligioso, *q. Quamvis, De sent. excomm. in 6. eum gaudere, ita vt si quis in ipsum violentas, & sacrilegas manus intulerit, in excommunicationem incurrat.* Quo fit, vt Nouitius causa, & gratia Religionis gaudeat, & priuilegio fori, cum corā Iudice Civili conueniri nequeat, & priuilegio Canonis. Obijcies, quod habetur in *l. q. de libertate, ff. de liberali causa*, vbi statu dubius quę facit tantisper dum controueria sit, facit, vt seruus, non vt liber. Respondere, Nouitium nequaquam esse statu dubiū, qualis est is, de quo ambiguitur, sit seruus, an liber, sed Religionis causa, vt proximè dixi, gaudet beneficio, & priuilegio Canonis. Nec refert vrum Nouitius ad pristinum prioris vitę statum iure possit redire, an secus quoniam quamdiu in Probatione persistit, in numero Ecclesiasticarū personarum censetur, & haberur.

Tertiò queritur, quisnam succedat in bonis Nouitij ante Professionem mortui absq; testamento? *Cynus in Auten.* Si qua mulier. *C. de Sacrosan. Eccles.* & alij quidā Civilis, & Canonici iuris interpres, quos refert Nauar. in *Commen. 2. de Regularib. nn.* 49. opinantur, omnia eius bona ad Monasterium pertinere quoniam mortuus in eo, videtur mortuus, vt Monachus. Abbas tamen sententia communī Canonici iuris Doctorum cōsensu est recepta, verius respondet in *c. in presentia, de probatio.* ita distinguens: *Aut in Monasterium ingressus sua bona in illud donatione transtulit, quam postea non reuocavit, & in eius bonis Monasterio succedit: Aut expressim Monasterio non consultit, & in eis succedunt necessarij ab intestato hæredes, ita etiam opinantur Decius in *c. in presentia citato*, Iason in *Auten. prædicta.* Si qua mulier. Nauar. loco citato, & Siluest. Relig. 5. q. 12. Quaeres, quid dicēdum est, si ingressus in Monasteriu, ei omnia bona sua absolute donavit, & ante Professionem emissam ab incepto deficiat, an ius habeat repetendi, & recuperandi, que donauerat? Abbas responderet, si expressim inter viuos donatio non fuit, in dubio iudicatur donatio causa mortis facta; ac proinde non secuta per Professionem tacitam, vel expressam ciuili morte, iure recuperat, que donavit. Si verò non omnia simpliciter donavit, sed quædam duntaxat, non videtur donec iuste causa mortis, sed simpliciter, & proinde non habet ius ea repetendi.*

Quartò queritur, An Nouitius iure Canonico, Religiorum numero, & nomine censeatur? Respondeo, non censeri, ex c. Religioso, *De sent. in excomm. in 6. vbi habetur. Quamvis is qui Religionem ingreditur, Religiosus censeri cum effectu non posset, donec sit tacite, vel expresse profectus, &c.* Ex quibus efficitur, ut in arbitrium, aut testamenti executorē iure eligi queat, quamvis ratione probationis, in qua se exercet, sit legitimè impeditus.

Quintò queritur, An Abbas habeat ius irrita faciédi vota, quæ Nouitius ante ingressum in Monasterium fecerat, aut quæ in Monasterio facit? Hanc questionem, supra dissoluimus lib. 11. c. 21. q. 10. Similiter *eadem libro tractauit eā*, qua queritur, An si quis Deo promiserit Religionem arctiore, in mitiore, & laxiore iure admitti queat, & an penes Abbatem sit potestas Nouitiū ab omni voto, & iure iurando, absoluendi.

Sexto queritur, An Nouitius à Monasterio rece-

dens